

Illorsuarni upalungaarsimanermi pissutsinik naliliineq

1. Aallaqqaasiut

a. Tunngavigisaq

Arfininngornermi 17. juni 2017-imi Karrat Kangerluanni qaqqamik sisoortoqarpoq. Qaqqap sisoornerani tassaarsuaq pilersinneqarpoq. Minutsit 12-13-it qaangiunnerini tassaarsuup Illorsuit eqqorpaa, piffissamilu sivisunerusumi mallit 1,5 aamma 3 meterit akornanni portussusillit nunaqarfimmut qaararput.

Upalungaarsimanermut naliliinermut matumunnga tunngavigineqarput:

- Qaqqamit nutaamik sisoortoqarsinnaaneranut paasissutissat (GEUS aamma NGI, 21. aamma 22. juni 2017-imeersoq)
- Tassaarsuup sukkassuserisinnaasaanut, taamaalillunilu qaqqap sisoorneranik paasisaqarnermiit tassaarsuup nunaqarfimmut apuunnissaanut piffissaq qisuariarfissaq pillugu paasissutissat (allakkiaq 22. juni 2017-imeersoq GEUS-imit tabel 1-imit ilaqtinneqartoq)
- Nuugaatsiap eqqaani qaqqap sisoornera tassaarsuaqarneralu pillugit GEUS-imit allakkiaq – suliatiqut ilisimasat, suliatiq ingerlaqqinnissaannut inassuteqaatit killiffii (27. juni 2017)
- 27. juni 2017-imi Nuugaatsiami Illorsuarnilu tassaarsuaqarsinnaaneranut ilisimasat (GEUS 27. juni 2017)
- Kalaallit Nunaata avannaata kitaani Karrat Kangerluani ulorianartorsiorfiusumi nakkutigisaasumik qaqqamik sisoortitsinissamut periarfissat pillugit naliliinerit inassuteqaatillu nutartikkat (GEUS 27. juni 2017)
- 28. juni 2017-imi nakkutilliinermi kalerrisaarinissamilu sulianik ataqatigiisaaarineri killiffik (GEUS 28. juni 2017)
- Tassaarsuaqassappat nunaqarfimmi qanoq portutigisumut anngussinnaaneranut paasissutissat. ("illut qanoq ittuunerinut assi aamma tassaarsuarmut najoqqutassiat" takuuk ilanngusaq 1)

b. Ulorianartorsiornermut takussutissiat

- Illorsuit sumiiffinni appasissuni amitsuni inissisimapput, tunuani qaqqaq sivingalluni.
- Pingaartumik juunip ulluisa 17-ianni sisoorfiusumiit 1 km-inik kippasinnerusumi, kisiannili aamma sumiiffinni qajannaakkunaarfiusuni sisoortoqassappat suli tassaarsuup malinginut ulorianartorsiorortoqarpoq
- Maannamut ilisimasat malillugit sisoortussat qaammatit arlallit ingerlaarsinnaapput, ilaanneeriarlutik unittarsinnaallutik, tassanngaannarlu sisoorsinnaallutik. Nutaamik sisoortoqarsinnaaneranut ullut, sapaatit akunneri, qaammatit ukiulluunniit qassit ingerlassanersut eqqoriarneqarsinnaanngilaq.
- Najoqqutassiornerit takutippaat, juunip ulluisa 17-ianni sisoorfimmiit qanitaanilu ulorianartorsiorfiusuniit tassaarsuup malingi minutsit 12-13-t ingerlanerini Nuugaatsiamut apuuttussaasut, aammalu mallit sivisuumik qaarartussaasut.

28-06-2017
Sags nr. 2017 - 13757
Akt. nr. 5683584

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

- Juunip ulluisa 17-ianni sisoortumut aammalu 1 km-it missaannik kippasinnerusumi ulorianartorsiorfimmi sisoortoqarsinnaaneranut najoqqutassiornermi takutinneqarpoq, mallit qaararneri 1,5 – 3 m-inik portussuseqassasut. Asiaq tamatumunnga takussutissianik sukumiisunik suliaqarpoq.
- Juunip ulluisa 17-ianni sisoortumut najoqqutassiornerup ineneri sumiiffimmi takusanut naapertuuttorujussuupput, naak tamatumani assitigut najoqqutassat killeqarnerulaartut tunngavigineqaraluartut. Tamatumunnga takussutissiat nutaarluinnaat Asiaq-mit suliarineqarput.

2. Tunngavissiat

Najoqqutassiani nunallu assingini tunngavissiat assigiinngitsut sumiiffimmi qajannaakkunnaarsimasumi qaqqaq sisuussappat qanoq pisoqarsinnaanera takussutissiorneqarpoq:

- Tunngavissiaq 1** (Qaqqap sisoortussap annertussusissaatut naliliiffigineqartumi qarsutsinissap killinga)
Tunngavissiami GEUS-ip sumiiffimmi qajannaakkunnaarsimasumut, juunip ulluisa 17-ianni qaqqap sisoorfiusup kitaani 1 km-it missaannik ungasissusilimmut paasineqartumut naliliinera tunngavigineqarpoq. Qaqqaq ulorianartorsiorfiusup juunip ulluisa 17-ianni sisoortup affaata missaannik annertussuseqarnissaa naatsorsuutigineqarpoq. Sumiiffiup qajannaakkunnaarsimasup ilummut itissusaa ilisimaneqanngilaq. Tunngavissiami ulorianartorsiorfiusup killinga nunap assingani titarnermik tungujortumik nalunaaqutserneqarpoq. Tunngavissiami ulorianartorsiorfiusup killingani illut najugaqarfiit attaveqaatillu eqqorneqartussaannngillat. Inuit ulorianartorsiorfiup killingata iluaniittut inuunerat ulorianartorsiuussapput.
- Tunngavissiaq 2** (Qaqqap sisoortussap annertussusissaatut naliliiffigineqartup marloriaataanerani, aammalu immap +1m-imik ulissimanerani qarsutsinissap killinga)
Tunngavissiami GEUS-ip sumiiffimmi qajannaakkunnaarsimasumut, juunip ulluisa 17-ianni qaqqap sisoorfiusup kitaani 1 km-it missaannik ungasissusilimmut paasineqartumut naliliinera tunngavigineqarpoq. Tunngavissiami qaqqami sumiiffimmit qajannaakkunnaarsimasumit sisoortussap marloriaammik annertussuseqarnissaa, aammalu immap ulinnerani (immap tininnerani ulinneranilu immap portussusia agguaqatigiissillugu +1m) qaqqap sisoornissaa tunngavigineqarpoq. Ulorianartorsiorfiusup killinga nunap assingani titarnermik aappaluttumik nalunaaqutserneqarpoq. Tunngavissiami tassani Illorsuit nunaqarfiata ilaa ulorianartorsiornermut killeqarfiup iluaniippoq. Inuit ulorianartorsiorfiup killingata iluaniittut inuunerat ulorianartorsiuussapput.

3. Kingunerisassat

a. **Nunami**

Inuit ulorianartorsiorfiup killingata iluani silamiittut imaluunniit illuni najugaqarfinniittut, katersortarfimmiittut, tunisassiorfimmiittut assigisaaniittulluunniit inuunerat ulorianartorsiussapput. Illuni najugaqarfinni inuit sinissinnaammata, taamaattumillu eqqortiasinnaallutik tamanna unammillernartussaavoq. Tunisassiorfimmi sulisut aamma inuunerat ulorianartorsiussapput. Kisiannili taakku qimagutsinneqarnissaat sukkanerussaaq, eqqumallutik atisalersorsimasussaagamik.

b. **Imaani**

Angallatit talittarfimmiittut tassaarsuarmit ajoquserujussuarneqarsinnaapput, aammalu issimasut inuunerat annertuumik ulorianartorsiorfinneqarsinnaavoq. Tamatuma saniatigut umiatsiat sissamiittut ajoqusingaatsiarnissaat imaanulluunniit avalatsinneqarnissaat ilimanaateqartorujussuuvoq. Angallatit imaani avataaniittut ulorianartorsiussanngillat.

4. Pinaveersaartitsilluni suliniutit

a. **Najugaqarfinnik attaveqaatinillu nuussineq**

Inunnut illuni najugaqarfinniittunut, tunisassiorfimmiittunut assigisaaniittunullu, kiisalu attaveqaatinut ulorianartorsiorfinnut pinaveersaartitsissutitut, illut attaveqaatillu ulorianartorsiorfinnut ulorianartorsiorfiusup killeqarfiata iluaniit nuunneqarsinnaapput. Tunngavissiaq 2-mi illut najugaqarfiit ikinnerpaamik 18-it, taakkulu saniatigut illut allat nuunneqassasut takuneqarsinnaavoq. Malugalugu, qaqqap sisoortussap qanoq annertutiginera oqaatigineqarsinnaanngimmat, taamaattumillu ulorianartorsiorfiup killinga naatsorsuutigisamit portunerusinnaammat.

b. **Sumiiffiup qajannaakkunnaarsimasup qaartillugu peerneqarnissaa**

Immikkut ilisimasallit isumaqatigiillutik qaqqap nakkutigisamik, soorlu qaartitsinikkut sisoortinneqarnissaa inassutiginnigilaat, tamanna qajannaakkunnaarfiusunik nutaanik pilersitsinermik kinguneqarsinnaammat. Sumiiffiit qajannaakkunnaarsimasut nakkutigisamik qaqqap sisoortinneqarneraniit ukiuni qulikkaani arlalinni nikeralersinnaapput.

c. **Najukkami tassaarsuit pillugit ilisimasanut isummanik allannguiniarneq**

Tassaarsuortoqartillugu qanoq naapertuunnerpaamik pisoqassanersoq nunaqarfimmi innuttaasunut paasititsiniutigineqartariaqarpoq. Assersuutigalugu umiatsiaq annaanniarsarinagu qaqqamut arpattoqartariaqartoq pillugu.

5. Suliniutit ikiuiffiusut

a. **Alapernaarsuinermit kalerrisaarinermullu atortut**

Maannarpiaq alapernaarsuinermit kalerrisaarinermullu atortunik, Kalaallit Nunaanni pissutsinut naleqquttunik misilerarneqarsimasunillu ilisimasaqartoqanngilaq.

Tamatuma saniatigut Japanimi alapernaarsuinermit kalerrisaarinernullu atortunut misilittakkat takutippaat, alapernaarsuinermit atortut kalerrisaaruteqarneranniit kalerrisaarinerup innuttaasunut anngunnissaanut sivikinnerpaamik minutsit tallimat ingerlanissaat naatsorsuutigineqassasoq. Piffissaq taanna minutsinit 12-init, qaqqap sisoorneraniit mallip nunaqarfimmut apuunnissaanut piffissaliunneqartunit ilanngaatigineqassaaq. Taamaalluni tassaarsuup sinerissamut apuunnissaanut kalerrisaarisooqarpat innuttaasut qimaanissamut taamaallaat minutsinik arfineq marlunnik piffissaqassapput. Tamatumanili pitsaasumik atorluarsinnaasumillu kalerrisaaruteqarnissaq pisariaqarpoq.

i. Innuttaasut illuni najugaqarfinniittut

Minutsit arfineq marluk piffissaritinneqartut najugaqartunik qimagutsitsinissamut naammannersut qularnarpoq; itersartinnissamut, atisalersornissamut qaqqamullu arpanissamut. Taamaattumik illut najugaqarfiit sumiiffimmi ulorianartorsiorfimiittut nuunneqartariaqarput.

ii. Innuttaasut tunisassiorfiup illutaaniittut

Alapernaarsuinermit kalerrisaarinernullu atortunik pitsaasunik pilersitsisoqarsinnaassappat, minutsit arfineq marluk piffissaritinneqartut iluanni tunisassiorfiup illutaaniittut qimagutsinneqarsinnaanissaat ajornartussaassanngilaq. Kisiannili alapernaarsuinermit kalerrisaarinernullu atortut aningaasanut nalillit, soorlu tunisassiorfiup illutaasa toqqorsivimmiittuutaasalu ulorianartorsiornerannut annikillititsisinnaanngillat.

iii. Innuttaasuni ulorianartorsiornerpaat

Meeqqat, utoqqaat inuillu pitsorluttuusimasinnaasut minutsit arfineq marluk qimagutsitsinissamut piffissaritinneqartut iluanni qimaatinneqarnissaat ajornarnerusinnaammat eqqarsaatigineqassaaq.

b. Upalungaarsimasut

- i.** Najukkami upalungaarsimasut tassaarsuup kingunerinut suliniuteqarsinnaalernissamut piariissagunik ilinniartitaaneri annertusarneqartariaqarput saniatigullu ilinniartinneqartariaqarlutik. Avataanit ikiortissat Illorsuarnut tikinnissaannut piffissaq sivilaarsinnaavoq. Taakkununga ilanngullugu sila avataaniit ikiuiartortut piffissamut tikiffissaannut isumaqangaatsiarsinnaavoq.


6. Kalaallit Nunaanni Upalungaarsimanermit Ataatsimiititaliap naliliinera

Kalaallit Nunaanni Upalungaarsimanermit Ataatsimiititaliap upalungaarsimanermik naliliinermi oqaatigaa, Illorsuit maanna atugassarititaasut tunngavigalugit suli ulorianartorsiorfittut isigineqartariaqartoq. Tamatuma kingunerisaanik Kalaallit Nunaanni Upalungaarsimanermit Ataatsimiititaliap nalilii voq, maanna tunngaviasut tunngavigalugit innuttaasut Illorsuarnut utertariaqanngikkallartut.

Tamatuma peqatigisaanik Kalaallit Nunaanni Upalungaarsimanermit Ataatsimiititaliaq naliliivoq, Illorsuit (nunaqarfiup ilaa) kingusinnerusukkut ulorianartorsiorunnaartutut naliliiffigineqassappat pisariaqassasoq:

- Sumiiffimmi, tunngavissiaq 2-mi tassaarsuarmik nutaamik eqqorneqarsinnaasutut naliliiffigineqartumi najugaqarfinnik, atuarfinnik inuiaqatigiinnilu ulorianartorsiornermi atortunik peqassanngitsoq.
- Alapernaarsuinermi kalerrisaarisarnermilu atortunik pitsaasunik ingerlatsinermilu isumannaatsunik atuutsitsisoqalissasoq. Maannarpiaq alapernaarsuinermi kalerrisaarisarnermilu atortunik, Kalaallit Nunaanni pissutsinut naleqquttunik misilerarneqarsimasunillu ilisimasaqartoqanngilaq. Tamatumunnga atatillugu aamma qaqqap sisoorneraniit tassaarsuup Illorsuit sineriaannut apuunnissaanut minutsit 12-iinnaanerit immikkut eqqumaffigineqartariaqarpoq.
- Nunaqarfik imartami sumiiffimmi angalanissamut inassuteqarfiunngitsumi sumiissusersiornermi mianersoqqussuteqartarfiusartumi inissisimangilaq.

Ilanngussaq 1 – ”Illorsuit kujalleq Illut qanoq ittuunerisa assingat aamma tassaarsuarmut najoqutassiat”



Illorsuit syd Bygningstypkort og tsunamimodelleringer

Ilanngussaq 2 – ” Illorsuit kujalleq Illut qanoq ittuunerisa assingat aamma tassaarsuarmut najoqutassiat”

